

棄而遠遊蓋其神出未熟聖氣陪而未成須是再入本軀往來出入純熟一任遨遊始乎一步二次三三三積日純熟乃如壯士展臂可千里萬里而形神壯大勇氣堅固然後寄凡骸於名山大川之中從往來應世之外不與俗類寺倫是此而或行滿而受天書驂鸞乘鳳跨虎騎龍自東自西以入紫府先見太微真君次居下島欲要升洞天當傳道積行於人間受天書而升洞天以為天仙凡行此法古今少有成者蓋以功不備而欲行之速便為此道或乃功驗未證止事靜坐欲求超脫或乃陰靈不散出而為鬼仙人不見形往來去住終無所歸止於投胎就舍而奪人軀殼復得為人仙或出入不熟往來無法一去一來無由再入本軀神魂不知所在乃釋子坐化道流之尸解也故行此道乃在前功見驗正當仍是擇地築室以遠一切腥穢之物臭惡之氣往來之聲女子之色不止於觸其真氣而神亦厭之既出而復入入而不出則形神俱妙與天地齊年而浩劫不死既

入而復出出而不入如蟬脫蛇遷神入聖是以超凡脫俗以為真人仙子而在風塵之外寄居三島之洲者也  
已上超凡入聖之訣

右大乘三門係天仙

秘傳正陽真人靈寶畢法卷下

正一天師清微弟子 洪百堅 道教學術資訊站

三經同卷

滿一

大惠靜慈妙樂天尊說福德五聖經

太上正一呪鬼經

太上洞玄靈寶天尊說羅天大醮上品妙經

經

大惠靜慈妙樂天尊說福德五聖經

通天寶號

運元鼎化三十三天金臂圓光火車大仙都

統王殿治靖捲簾大將軍九天遊奕速捷使

部領六天吏兵降伏天下妖魔輔正除邪辟

瘟使掌執火府火部使圭管南極天樞院北

極驅邪院文字封山破洞正一靈官都大元

帥勅封五顯靈觀大帝

靈觀大帝 睿聖聰明 日光菩薩 氣射帝宸

金判聖像 三目聖明 黃裳錦袍 足踏火輪

金磚金鎗 按行乾坤 名山大川 靈洞真君

火瓢火鴉 氣威靈靈 斬妖滅邪 如電如霆

護國砥柱 衛民靈神 德億萬世 福億萬民

輔靈助順 二聖將軍 順風千里 百萬神兵

救度災厄如響應聲變禍成福如影隨形  
護祐巨身何求不應神光洞照永慶吉慶  
奉大帝勅急急如律令

焚香奉請

仰啓靈觀大元帥 福德華光五顯王

錦袍編帽威容猛 火劍金鎗聖力強

天下正神功第一 佛中上善世無雙

玉宸殿畔登珠幌 金色臺邊建寶幢

破洞封山魑魅絕 興風走電鬼神亡

化導萬民垂福祐 保安九域去災殃

焚香奉請虔誠禮 願賜恩光降道場

爾時天尊在八景宮中紫光殿內坐九色蓮

花寶座垂十絕鶴蓋與諸天上聖天真大神

天仙神仙諸大仙衆金童玉女護法龍神及

諸侍衛等衆等時同會天樂俱鳴咸聽

天尊說無極至真妙法是時會中有一真人

名曰定惠越班而出柔簡長跪白

天尊言巨聞五化之理可得聞乎

天尊曰三星之初民以道化五帝之後德化

猶存至於霸國日事戰征當彼之時道德已

大惠靜慈妙樂天尊說福德五聖經

廢仁義弗行所從化者財與食爾吾道何由  
化之況乎末世衆生以貪愛為本心以狡佞  
為已行奔馳利路堅固業根釀惡招愆不崇  
善教致使冤仇糾結怨怒牽連上干二氣之  
和下致九州之害或刀兵相戮或旱澇相仍

饑饉并臻瘟疫傳染人民天橫魔鬼流行當

此之時必歸神化於是定惠真人復告

天尊曰邇者世間神化之主臣等未忘能知

如何今彼衆生安穩無惱富貴長壽無諸災

難

天尊告曰爾其慈悲欲令利益末世衆生方

便啓問若諸善男子善女人或有官災疾病

冥訟精妖一切急難無所解救者但能起心

信向祈求福祐自然亨泰上聖威神之力不

可稱量改命

靈觀真形頂禮呪曰

太靈之神錫以繁祉 頂踵被恩 曷有窮已

睿鑒孔昭 厥衷庸啓 臣今皈命 一心信禮


三十三天星月宮內雷音殿中化現白蛇之

冠三頭六臂青身自在之體圓光大犀大仙

靈官顯應橫天急捉三界邪魔封山破洞主  
法摧魔正神靈觀大聖五帝大元帥  
真形睿號

第一都天威猛大元帥

顯聰昭聖孚仁廣濟福善王




第二橫天都部大元帥

顯明昭聖孚義廣祐福順王



第三通天金目大元帥


顯正昭聖孚智廣惠福應王




第四飛天風火大元帥

顯直昭聖孚信廣澤福祐王

二八—三六五



第五丹天降魔大元帥  
顯德昭聖孚愛廣成福惠王



此真形齋號昔可受持信女善男常當誦  
功德甚大利益無窮凡叨獲載之安居悉向  
神祇之宰制是故

靈觀專聖在天為五帥在世為五王勇烈明  
靈威權至重有賜福消災之力有賞善罰惡  
之功貧富差殊窮通雖異然練攸司之考覈  
悉歸

上聖之裁量功過昭然絲毫弗謬知作善降  
祥之美杜為愆孽惡之因垢翳若除慧光明  
朗災尤消釋福慶咸臻凡有上士於三元八  
節五臘生辰持誦是經外祛災厲內益經營  
神祇密護於門庭魔寇速離於境界功圓果

滿獲大吉祥爾時

天尊即說靈觀呪曰

靈觀元帥顯烈威雄通天徹地擲火奔風  
上飛丹雀下驟朱龍金光灼灼黑霧矇矓  
邪魔喪膽鬼魅潛蹤安民護國伐惡除凶  
災禍消滅福德興隆五靈真炁降我身躬  
所求皆遂有願克從北帝勅令要立神功  
急急如律令

天尊曰世間眾生天災重病瘟疫時行傳染  
不瘥或久患臥床不逢醫藥及有猥犬之精  
狐狸之祟變易形質迷惑陽人詐托尊神妄  
稱大聖占人樓閣攝人魂魄放火拋磚偷財  
盜物門無風而自閉釜無火而自熱百奇千  
怪惱亂眾生當於清淨庭宇請正一道士依  
科立壇勝奏章表醮祭

五天大元帥燒香燃燈誦吾神呪或一日或  
五日當有鐵輪大神白蛇大將無面目將軍  
火部兵馬一合來降掃蕩妖氛肅清宅舍生  
人安泰驅逐不祥又復有人身遭獄難禁繫  
枷鎖不能脫離及有門戶閉塞謀運不成口

舌頻生非橫競起錢財耗散命祿衰微五路  
不通三災疊至連年塞滯累歲迭遭亦當命  
道士如前舉行即得  
靈觀元帥福德仙官善慶童子應時下降衛  
護眾生災厄消除一切如意若或經行曠野  
山林隈僻之處獨宿恐怖但能焚香誦經凶  
惡自散便得安穩或有眾生根性頑惡聞提  
不信毀謗真經輕慢香火如此之人巡察將  
軍地行使者糾錄罪犯定其輕重所犯重者  
投陷水火之中卒於非命其過若輕減罪除  
祿災病苦身當知

靈觀元帥威雄猛烈報應尤速專持禍福之  
權生殺之柄以示神化善男子善女人得遇  
此經虔誠恭敬受持誦讀更能與人書寫教  
人持誦或印造是經廣行勸化

靈觀元帥心大歡喜速得賜其福祐自然門  
戶興隆財物昌盛貴人協順聖力扶持凡所  
願心悉令成就於是定惠真人及諸仙等眾  
聞此說已踴躍欣喜稽首  
靈觀而祝願曰

稽首靈觀五聖尊 願得國土保昇平  
 稽首靈觀五聖尊 願得風雨應時行  
 稽首靈觀五聖尊 願得百穀自登成  
 稽首靈觀五聖尊 願得宅舍得安寧  
 稽首靈觀五聖尊 願得父母享遐齡  
 稽首靈觀五聖尊 願得謀運稱心清  
 稽首靈觀五聖尊 願得財物足豐盈  
 稽首靈觀五聖尊 願得火盜不相侵  
 稽首靈觀五聖尊 願得出入利經官  
 稽首靈觀五聖尊 願得無病保長生  
 稽首靈觀五聖尊 願得諸福自來升  
 稽首靈觀五聖尊 願得天真聖教興  
 諸大仙衆稱讚願已龍車旌節來迎  
 天尊復還真境是時  
 天尊再告定惠真人曰爾等受吾此經宜下  
 人間流傳信士依教奉行祈霑福祐於是定  
 惠真人及諸仙衆遵奉  
 道旨作禮而退  
 太惠靜慈妙樂天尊說福德五聖經

太上正一呪鬼經

天師曰太上大君天之尊神左監祭酒天之  
 真人左從百二十蛟龍右從百二十猛虎前  
 導百二十朱雀後從百二十玄武頭上有五  
 彩華蓋足履魁罡素男玉女衣服元炁玄炁  
 玄黃周旋而遊生門晝夜與日月同光下統  
 地祇上應北辰自有力士童男童女數千萬  
 人齋持刀劍所礙者穿皆乘天鹿鳳凰麒麟  
 窮奇辟邪數百為群騰蛇猛獸九萬九千皆  
 能飛行出入無間噉食百鬼數千萬人衆精  
 百邪不得妄前天師神呪急急如律令  
 天師曰太和玄老乘青雲紫蓋華蓋玉女車  
 輪水精為輿金銀為廂駮駕九龍光照諸天  
 絳紫毛裘混混沌沌晃晃昱昱震動驚人但  
 求百官江河大神龍王鬼神帥藏在雲間叩頭  
 搏頌求自披陳不聽理訴收付獄君銅枷鐵  
 鎖鉗其喉咽衆邪惶怖不敢妄前勅辦行厨  
 賜吾真神吾今當出召神君久藏不見十億  
 年但捕血祀諸森神珍窮天下剋異民扶言  
 妄語自為神管毀道烝姁妬賢皆是妖惑蠱

道神但行邪偽別正真天師銜命化善人蛛  
 蛇之鏡兼欲前邪逆妄害鐵鎖連捉頭三斬  
 烹汝身窮奇辟邪縱橫吞比至神祀盡根元  
 家親丈人但莫前授吾神呪爾莫前勅急急  
 如律令

天師曰吾為天地除萬殃變身人間作鬼王  
 身長丈六頭面方銅牙鐵齒銜鋒銚手持辟  
 磨戴鑊湯動雷發電迴天光星辰失度月慘  
 黃顯風泄地日收光草木焦枯樹摧藏崩山  
 裂石斷河梁車載鐵鎖楹銀鑄一月三榜六  
 呪章募求百鬼勤豪強得便斬殺除凶殃吾  
 持神呪誰敢當急去千里勿當殃急急如律  
 令  
 天師曰吾上太山謁見黃老君教吾殺鬼語  
 我神才上呼玉女收捕非殃登天左契佩帶  
 印章頭戴華蓋足躡魁罡左扶六甲右扶六  
 丁前有黃神後有越章神師誅伐不避豪強  
 先殺邪神後滅遊光何神敢前何鬼敢當縛  
 汝置水煮汝鑊湯三日一答五日一榜門丞  
 捉縛玉女情掠吾更受辭靈君上章某甲無